

VI. ANUNCIOS**A) ADMINISTRACIÓN AUTONÓMICA****AXENCIA GALEGA DE INFRAESTRUTURAS**

RESOLUCIÓN do 17 de agosto de 2026, do Servizo Provincial da Coruña, pola que se sinala a data para redactar as actas previas á ocupación e para formalizar as actas de ocupación dos bens e dereitos afectados polo proxecto de construción da senda en Nantón, estrada AC-552, de clave AC/22/162.06, no concello de Cabana de Bergantiños.

O artigo 28 do vixente Estatuto de autonomía de Galicia establece no seu punto 2 a competencia da Comunidade Autónoma galega no desenvolvemento lexislativo e a execución da lexislación do estado en materia de expropiación forzosa.

O 16 de marzo de 2026, a Xunta de Galicia aprobou o proxecto de construción da senda en Nantón, estrada AC-552, de clave AC/22/162.06, no concello de Cabana de Bergantiños, publicado no *Diario Oficial de Galicia* (DOG núm. 55, do 24 de marzo).

A aprobación definitiva do proxecto de construción implica a declaración de utilidade pública, a necesidade de ocupación dos bens e de adquisición dos dereitos necesarios para a execución das obras, dos depósitos dos materiais sobrantes, dos préstamos necesarios para executalas e para repoñer os servizos afectados, previstos no proxecto, así como para a implantación do proxecto e as modificacións deste que, se é o caso, puidesen aprobarse posteriormente, e a urxencia da ocupación; todo iso para os efectos de expropiación, ocupación temporal ou imposición ou modificación de servidumes, segundo o disposto no artigo 22.5 da Lei 8/2013, do 28 de xuño, de estradas de Galicia.

A tramitación do expediente expropiatorio debe axustarse ao disposto no artigo 52 da vixente Lei de expropiación forzosa, do 16 de decembro de 1954, e nos artigos 56 e seguintes do seu Regulamento, do 26 de abril de 1957.

En consecuencia, este servizo, en virtude da competencia delegada mediante a Orde do 7 de setembro de 2017 sobre delegación de competencias no secretario xeral técnico e noutros órganos e entidades públicas adscritos a esta consellería, publicada no DOG número 179, do 20 de setembro de 2017,

RESOLVEU:

Convocar as persoas titulares de bens e dereitos afectados que figuran na relación exposta no taboleiro de anuncios do Concello de Cabana de Bergantiños para que com-

CVE-DOG: b4tilws6-8hc4-n8a1-1ro2-ran2anfkoze8



parezan no lugar, na data e nas horas que se detallan a continuación, co fin de redactar as actas previas á ocupación nas que se recollerán os datos necesarios para determinar os dereitos afectados, o valor destes e os prexuízos determinantes da rápida ocupación, sen prexuízo de se trasladaren ao lugar dos predios se o consideran necesario.

Concello de Cabana de Bergantiños.

Lugar: Salón de Plenos do Concello de Cabana de Bergantiños.

Data: 17 de setembro de 2026, das 10.00 ás 12.00 horas.

A relación de persoas titulares cos bens e dereitos afectados, así como o plano parcelario correspondente, estarán expostos no Concello de Cabana de Bergantiños e no Servizo Provincial da Axencia Galega de Infraestruturas da Coruña (r/ Vicente Ferrer, núm. 2, 8º andar, 15071 A Coruña), e publicárase na seguinte ligazón da páxina web da consellería:

https://vivendaeinfraestruturas.xunta.gal/avisos?content=aviso_0396.xml

Así mesmo, convocaranse as persoas interesadas na redacción das actas previas mediante notificación individual.

Ao devandito acto deberán acudir as persoas titulares afectadas, persoalmente ou ben representadas pola persoa debidamente autorizada para actuar no seu nome, cos documentos acreditativos da súa titularidade, o documento nacional de identidade (e, de ser o caso, outra documentación que se requira, como o xustificante do pagamento do IBI...), así como o certificado da conta cos códigos IBAN e BIC, co fin de realizar os sucesivos pagamentos que sexan procedentes mediante transferencia bancaria. Tamén poden facerse acompañar, á súa custa, se o consideran oportuno, dos seus peritos e notarios.

Así mesmo, en cumprimento do disposto no artigo 49 do Regulamento de expropiación forzosa do 26 de abril de 1957, este servizo, unha vez que se redacten as actas previas á ocupación e se habilite o crédito oportuno, pagará, mediante transferencia bancaria, o importe dos depósitos previos e indemnizacións por rápida ocupación. No suposto de que non se presentasen o certificado de titularidade da conta bancaria, cos códigos IBAN e BIC, e a copia do DNI, consignarase o importe na Caixa Xeral de Depósitos conforme o disposto no artigo 51 do Regulamento de expropiación forzosa do 26 de abril de 1957.

En cumprimento do artigo 55 do Regulamento de expropiación forzosa do 26 de abril de 1957, neste mesmo acto convócase ao acto de formalización das actas de ocupación, o



cal terá lugar, logo de producirse o aboamento dos depósitos previos e indemnizacións por rápida ocupación, no lugar e data que se indican:

Concello de Cabana de Bergantiños.

Lugar: Salón de Plenos do Concello de Cabana de Bergantiños.

Data: 19 de novembro de 2026, das 10.00 ás 11.00 horas.

No mesmo acto ofertaráselles ás persoas propietarias as valoracións establecidas pola Administración para cada un dos predios en concepto de mutuo acordo.

Este acordo faise público para coñecemento xeral e advértense as persoas titulares de que na acta figurarán os donos da cousa ou titulares do dereito expropiado, de que non se admitirá a representación máis que por medio dun poder debidamente autorizado (notarial, xudicial ou do consulado), xa sexa xeral ou particular para este caso, e de que deberán achegar a documentación necesaria para acreditar a sucesión no caso de figurar o terreo a nome de herdeiros; tamén de que deberán identificarse co documento nacional de identidade.

A Coruña, 17 de agosto de 2026

Felipe de la Vega Gándaras
Xefe do Servizo Provincial da Coruña

CVE-DOG: b4tilws6-8hc4-n8a1-1ro2-ran2anfkaqe8

